

JU KANTONALNA BOLNICA ZENICA  
Broj: 20/1- 8996  
Zenica, 20.8.2018.godine



**JAVNI POZIV ZA DOSTAVU PONUDA**  
**u postupku za izbor Privatnog partnera i dodjelu**  
**ugovora o javno-privatnom partnerstvu za realizaciju**  
**Projekta „Interventna kardiologija“ Kantonalne bolnice**  
**Zenica**

A handwritten signature in blue ink, consisting of a stylized, cursive script.

Referentni broj postupka: JPP-1/18



## 1. OSNOVNE INFORMACIJE

### Naziv i adresa javnog partnera

JU KANTONALNA BOLNICA ZENICA  
Crkvice 67  
72000 Zenica

### Lice zaduženo za kontakt

Doc.dr.med.sci.prim. Rasim Skomorac  
Mail: [dr-skomorac@kbze.ba](mailto:dr-skomorac@kbze.ba)  
Telefon: 0038732447005

Dipl.iur. Aida Pojskić  
Mail: [aida-pojskic@kbze.ba](mailto:aida-pojskic@kbze.ba)  
Telefon: 0038732447007

## 2. PRAVNI OSNOV

Tenderska dokumentacija u postupku za izbor Privatnog Partnera i dodjelu Ugovora o javno-privatnom partnerstvu za realizaciju projekta Interventna kardiologija Kantonalne bolnice Zenica izrađena je na osnovu:

- člana 19. Zakona o javno-privatnom partnerstvu („Službene novine Zeničko-dobojskog kantona“ br. 6/2016)
- člana 14. Uredbe o identifikaciji, pripremi, ugovaranju i praćenju implementacije projekata javno-privatnog partnerstva („Službene novine Zeničko-dobojskog kantona“ br. 3/2017)
- Odluke Upravnog odbora JU Kantonalne bolnice Zenica o usvajanju Srednjoročnog plana potencijalnih JPP projekata broj 20/1-1-5073 od 27.4.2017.godine i broj 20/1-1-1299 od 30.1.2018.godine
- Odluke Upravnog odbora JU Kantonalne bolnice Zenica o usvajanju Godišnjeg plana potencijalnih JPP projekata broj 20/1-1-5074 od 27.4.2017.godine i broj 20/1-1-1298 od 30.1.2018.godine
- Odluke Upravnog odbora JU Kantonalne bolnice Zenica o opredijeljenosti za uspostavljanje projekta javno-privatnog partnerstva “Interventna kardiologija” broj 2071-1-8479 od 31.7.2018.godine

## 3. PREDMET JAVNOG POZIVA

Predmet javnog poziva je izbor privatnog partnera i dodjela ugovora Ugovora o javno-privatnom partnerstvu za realizaciju projekta Interventna kardiologija Kantonalne bolnice Zenica (u daljem tekstu „Projekat“) a koji podrazumijeva projektovanje, finansiranje, izgradnju, upravljanje i održavanje objekta interventne kardiologije u krugu Katonalne bolnice Zenica te pružanje zdravstvenih usluga iz oblasti interventne kardiologije u okviru zdravstvene ustanove Poliklinika interventne kardiologije s dnevnom bolnicom.

## 4. OPIS PROJEKTA

Javni partner je utvrdio potrebu da proširi obim javne usluge iz svoje nadležnosti za područje Zeničko-dobojskog kantona u cilju poboljšanja kvaliteta života pacijenata koji boluju od kardiovaskularnih bolesti a naročito da omogući standard „zlatni sat“ na području Zeničko-

dobojskog kantona u svrhu smanjenja stope smrtnosti i invaliditeta pacijenata oboljelih od kardiovaskularnih bolesti.



Projekat se planira sprovesti u četiri faze:

- a) Faza 1. obuhvata kapitalno ulaganje u zgradu, medicinsku opremu i zaposlene u svrhu osiguranja 24-satnog prioritnog pružanja usluga osiguranicima i pacijentima sa područja Zeničko-dobojskog kantona iz oblasti interventne kardiologije i gastroenterologije(ERCP). Planirani početak pružanja usluga je prvi kvartal 2020. godine.
- b) Faza 2-4. obuhvata dodatno ulaganje u medicinsku opremu i zaposlene u svrhu omogućavanja pružanja usluga osiguranicima i pacijentima izvan područja Zeničko-dobojskog kantona. Planirani početak pružanja usluga je nakon 2022. godine.

## 5. TRAJANJE UGOVORA

Rok trajanja Ugovora o javno-privatnom partnerstvu je maksimalno 27 (slovima: dvadeset sedam) godina počev od dana dobijanja odobrenja nadležnog ministarstva zdravstva za pružanje zdravstvenih usluga iz oblasti interventne kardiologije uvećan za period projektovanja, građenja i ishođenja dozvola do maksimalno 2 (slovima: dvije) godine od dana zaključenja ugovora o javno-privatnom partnerstvu.

## 6. KVALIFIKACIJSKI KRITERIJI (LIČNA I PROFESIONALNA SPOSOBNOST)

Ponuđač je dužan u svrhu dokazivanja lične sposobnosti i profesionalne dokazati da:

- a) u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- b) se protiv ponuđača – pravnog lica i odgovorne osobe pravnog lica ne vodi sudski postupak u skladu sa važećim propisima u Bosni i Hercegovini ili zemlji u kojoj je registrovan;
- c) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- d) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- e) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.
- f) je pravni subjekt u većinskom privatnom vlasništvu registrovan u skladu sa propisima zemlje iz koje dolazi
- g) ima u vlasništvu zdravstvenu ustanovu kapaciteta sličnog predmetu javnog poziva
- h) da odgovorno lice zdravstvene ustanove ispunjava opće stručne i kvalifikacijske uslove neophodne za upravljanje ustanovom koja pruža predmetnu razinu zdravstvene zaštite, a u skladu sa odredbama člana 2. i člana 4 „Pravilnika o uvjetima u pogledu vrste završenog fakulteta zdravstvenog usmjerenja koje moraju ispuniti osobe koja konkuriraju za direktora zdravstvene ustanove” (Službeni list FBiH broj 77/17)



## 7. EKONOMSKI (KVALITATIVNI) ASPEKT PONUDE I FINANSIJSKI KRITERIJI

Ponuđač mora imati ekonomsku sposobnost za realizaciju Projekta:

- a) Dokaz o posjedovanju iznosa od minimalno 20% od vrijednosti CAPEX-a (Capital Expenitures);
- b) Dokaz o bonitetu koji potvrđuje da ponuđač ima pozitivno poslovanje u zadnje 3 godine

Ponuđač mora zadovoljiti kvalitativni aspekt ponude na način da:

-da svi sa liste ključnog, stručnog osoblja (samostalni interventni kardiolog) imaju završenu specijalizaciju iz interne medicine, subspecijalizaciju iz kardiologije, kao i urađenih minimalno 400 intervencija u interventnoj kardiologiji.

## 8. NAČIN OCJENJIVANJA PONUDA

Kriterij za izbor privatnog partnera je ekonomski najpovoljnija ponuda sa potkriterijima:

- Lista ključnog, stručnog osoblja, čija je maksimalna vrijednost 40 bodova
- Tablica podjele rizika (Risk Matrix) sa alokacijom i identifikacijom rizika, čija je maksimalna vrijednost 35 bodova
- Terminski plan građenja, čija je maksimalna vrijednost 15 bodova
- Dodatni kvalitet, čija je maksimalna vrijednost 10 bodova.

Ugovor se dodjeljuje kvalifikovanom ponuđaču koji je dostavio najbolje ocijenjenu prihvatljivu ponudu u skladu sa naprijed navedenim kriterijima.

Ocjena će se vršiti u skladu sa odredbama Tenderske dokumentacije.

## 9. SADRŽAJ PONUDE:

Ponuda koju u postupku nabavke trebaju dostaviti Ponuđači u skladu sa odredbama tenderske dokumentacije obavezno sadrži minimalno sljedeću dokumentaciju:

- a) Dokaze u pogledu ispunjenosti kvalifikacijskih (lične i profesionalne sposobnosti) kriterija
- b) Izjava Ponuđača ovjerena kod nadležnog organa kojom garantuje da će instalirana oprema biti oprema posljednje generacije tog tipa koja u potpunosti zadovoljava definisane zahtjeve Projekta, godine proizvodnje ne starije od 2017. godine, te da će za svo vrijeme trajanja Ugovora o JPP-u obezbijediti servis, rezervne dijelove, software update i ostale potrebne uslove za adekvatno funkcionisanje predmetne opreme.
- c) Izjava ponuđača da ispunjava uslove za pružanje usluga interventne kardiologije u obimu očekivanog broja pacijenata (1300 pacijenata godišnje)
- d) Dokaz za odgovorno lice (diploma, potvrda i sl.)
- e) Dokaze u pogledu ispunjenosti ekonomskih i finansijskih kriterija i kvalitativnog aspekta ponude
- f) Izjava ponuđača da u potpunosti prihvata i ispunjava u cjelosti sve zahtjeve iz tenderske dokumentacije (standard javne usluge, prostora, opreme i kadra)
- g) Garanciju za ozbiljnost ponude
- h) Izjava ponuđača da će dostaviti finansijsku garanciju u skladu sa odredbama tenderske dokumentacije



## 10. OSTALE INFORMACIJE

### Pravo učešća na javnom pozivu

Pravo učešća na javnom pozivu imaju sva pravna lica koja su registrovana u BiH ili inostranstvu te nemaju statusna ograničenja u pogledu učešća u predmetnom postupku.

### Uvid u dokumentaciju i posjeta lokacije

Svi Ponuđači će imati pravo uvida u dokumentaciju neophodnu za pripremu konačne Ponude te posjetu lokaciji predviđenoj za izgradnju Poliklinike. Predmetna dokumentacija obuhvata Idejni projekat Poliklinike i Geološku studiju lokacije na kojoj će se graditi Poliklinika.

Uvid u dokumentaciju i posjeta lokaciji će se vršiti u periodu od 1.9.2018. godine do 30.9.2018. godine na lokaciji Javnog partnera na adresi Kantonalna Bolnica Zenica, Zenica, Crkvice 67, Bosna i Hercegovina.

Svaki ponuđač je dužan najaviti svoju posjetu te dobiti saglasnost Javnog partnera kojom će biti definisan i tačan datum te termin za uvid i posjetu.

Nakon završetka perioda za uvid u dokumentaciju i posjetu lokaciji Javni partner će organizirati i sesiju za pitanja i odgovore za sve potencijalne ponuđače koji su izvršili uvid u dokumentaciju i posjetu lokaciji. O terminu sesije ponuđači će biti obaviješteni.

### Preuzimanje tenderske dokumentacije

Tenderska dokumentacija se preuzima elektronskim putem. Zahtjev za preuzimanje tenderske dokumentacije se dostavlja na mail kontakt osoba određenih u osnovnim informacijama.

Ne plaća se naknada za preuzimanje tenderske dokumentacije .

### Način i rok dostavljanja ponude

U skladu sa odredbama Tenderske dokumentacije.

Rok za dostavu ponuda je 15.10.2018.godine do 12,00 sati.

## 6. OSTALE ODREDBE

Javni poziv se objavljuje:

- na web stranici javnog partnera
- na web stranici Zeničko-dobojskog kantona
- u dva dnevna lista koja su dostupna na teritoriji cijele Bosne i Hercegovine

Ovaj Javni poziv se objavljuje na engleskom jeziku u Službenom glasniku Europske Unije (Official Journal of the European Union) i/ili na web stranici jedne institucije, agencije, mreže ili organizacije koja može informaciju distribuirati do potencijalnih privatnih partnera iz inostranstva.